

ერთიანი სამხრეთო მადრიძის მემორანული



სსიპ ებაზით აღმაშენებლის სახელობის
საქართველოს
ცნოვნები თავდაცვის აკადემიასა

ეს


სსიპ სოჭუმის ილია ვეკუას
ფიზიკა-ტექნიკის ინსტიტუტს

შორის

სსიპ ებაზით აღმაშენებლის სახელობის სამართველოს
ცნოვნები თავდაცვის აკადემიის რეზიდენტი



სსიპ სოჭუმის ილია ვეკუას ცნოვნები-ტექნიკური
ნაციონალური ინსტიტუტის მიმღები მოწოდები
გვ. 249250821 *



ურთიერთთანამშრომლობის მემორანდუმი
სსიპ - დავით აღმაშენებლის სახელობის საქართველოს ეროვნული თავდაცვის აკადემიასა
და
სსიპ - სოხუმის ილია ვეკუას ფიზიკა-ტექნიკის ინსტიტუტის შორის

ქ. გორი

22 ივნისი, 2021 წელი

ერთი მხრივ სსიპ - დავით აღმაშენებლის სახელობის საქართველოს ეროვნული თავდაცვის აკადემია (შემდგომში „აკადემია“), წარმოდგენილი რექტორის ბრიგადის გენერლის მამია ბალახაძის სახით და მეორე მხრივ სსიპ - სოხუმის ილია ვეკუას ფიზიკა-ტექნიკის ინსტიტუტი (შემდგომში „ინსტიტუტი“), წარმოდგენილი დირექტორის გურამ ბოკუჩავა სახით (შემდგომში „მხარეები“), ისტრაფვიან რა ურთიერთობების განვითარებისა და განმტკიცებისაკენ, იღებენ მხედველობაში სამეცნიერო და საგანმანათლებლო თანამშრომლობაში ორმხრივ დაინტერესებას, აცნობიერებენ თავდაცვის სამინისტროს სისტემაში თანამედროვე სტანდარტების შესაბამის განათლებისა და სამეცნიერო-კვლევითი საქმიანობის განხორციელების აუცილებლობას, გამოხატავენ ურთიერთთანამშრომლობის ნებასა და მზადყოფნას თანხმდებიან შემდეგზე:

მუხლი 1.

მიზანი

წინამდებარე მემორანდუმის მიზანია აკადემიასა და ინსტიტუტის შორის დამყარდეს მჭიდრო პარტნიორული ურთიერთობები, რომელიც ხელს შეუწყობს მხარეთა შორის საგანმანათლებლო, სამეცნიერო-კვლევითი, ინოვაციური პროგრამების განვითარებასა და პერსონალის პროფესიონალიზმის ამაღლებას.

მუხლი 2.

მხარეთა უფლება-მოვალეობები

2.1.მხარეები:

- ა) შექმნიან თანამშრომლობის რეალურ პირობებს, ხელს შეუწყობენ და განვითარებენ სამხედრო და ტექნოლოგიების მიმართულებებს;
- ბ) ხელს შეუწყობენ განათლებისა და მეცნიერების სფეროში გამოცდილების გაზიარებას;
- გ) ითანამშრომლებენ სამხედრო, სამეცნიერო და ტექნოლოგიურ კვლევებში;
- დ) ითანამშრომლებენ საჯარო ლექციების, ტრენინგების, კონფერენციების და სხვა აქტივობების ჩატარებაში;

- ე) გამოხატავენ მზადყოფნას ქვეყნის თავდაცვიუნარიანობის გაძლიერებასა და ამაღლებაში;
- ვ) განიხილავენ თანამშრომლობის სხვა ნებისმიერ ფორმებს და მიმართულებებს, რომლებიც არ არის ასახული წინამდებარე მემორანდუმში;

2.2. აკადემია:

- ა) საჭიროების შემთხვევაში უზრუნველყოფს საკონფერენციო, სალექციო დარბაზების, სპორტული და კულტურული კომპლექსების და სხვა ინფრასტრუქტურული საშუალებების გამოყოფას;
- ბ) უზრუნველყოფს საბიბლიოთეკო ფონდით სარგებლობას;
- გ) უზრუნველყოფს ლაბორატორიების და სამხედრო დანიშნულების საშუალებების გამოყენებას;

2.3. ინსტიტუტი:

- ა) უზრუნველყოფს აკადემიის საგანმანათლებლო პროგრამებით გათვალისწინებული აქტივობებისათვის ლაბორატორიული ბაზის გამოყენებას;
- ბ) უზრუნველყოფს კვალიფიციური პერსონალის ჩართულობას საგანმანათლებლო პროგრამების თეორიულ და პრაქტიკულ სწავლებებში;

მუხლი 3.

დამატებითი პირობები

- ა) წინამდებარე მემორანდუმში მხარეთა ორმხრივი შეთანხმების საფუძველზე შეიძლება შეტანილ იქნას ცვლილებები და დამატებები;
- ბ) მემორანდუმი უვადოა, მალაში შედის ორივე მხარის მიერ ხელმოწერის დღიდან და მოქმედებს მხარეთა მიერ სხვა გადაწყვეტილებების მიღებამდე. შეთანხმება არ შეიცავს მხარეთა ვალდებულებებს. ის არ წარმოადგენს აუცილებლად შესასრულებელ დოკუმენტს და ყოველ კონკრეტულ შემთხვევაში მასში მოცემული ღონისძიებების განხორციელება დამოკიდებულია თითოეული მხარის ნებაზე, შესაძლებლობაზე და კომპენტეციაზე. მხარეთა შორის უთანხმოების წარმოშობის შემთხვევაში დავა გადაწყდება საქართველოს მოქმედი კანონმდებლობის თანახმად.
- გ) მემორანდუმი შედგენილია თანაბარი იურიდიული ძალის მქონე ორ ეგზემპლიარად და ინახება მხარეებთან.

სსიპ - დავით აღმაშენებლის სახელობის
საქართველოს ეროვნული თავდაცვის
აკადემიის რექტორი, ბრიგადის გენერალი



სსიპ - სოხუმის ილია ვეკუას
ფიზიკა-ტექნიკის

ინსტიტუტის დირექტორი

